

03. marts 2016

UPA2017/105

Inatsisartut suleriaasianni § 36 naapertorlugu apeqquteqaat aallaavigalugu Inatsisartut oqallinnissaannik siunnersuut imaattoq matumuuna saqqummiuppara:

Innarluutillit angajoqqaami nunaqarfiisa avataanut inissinneqarsimatillugu, angajoqqaat atugaanut pitsanngorsaanissamut sunik periarfissaqarnersoq pillugu apeqquteqaat aallaavigalugu oqallinnissamik siunnersuut?

(Inatsisartunut ilaasorta, Laura Táunâjik, Siumut)

Tungavilersuineq:

Meeqqat annertusisamik innarluutillit, innarluutertik pissutaalluni illoqarfimmi allami inissinneqarsimasut, ukiumoortumik marloriarlutik qinnuteqarnikkut ikiorsiinikkut tapiiffigitinneqarsinnaapput angerlarlutik pulaartariaqassappata. Allatut aaqqiumagaanni aamma periarfissaqarpoq angajoqqaajusup imaluunniit meeqqamut oqartussaasup imaluunniit meeqqamut qanigisaasup qinnuteqarluni akuersinikkut akiliunneqarsinnaavoq, pineqartup meeqqamut pulaarniassammat.

Aaqqissuussinerit taamaattut qulakkeerumavaat, meeraq angerlarsimaffiup avataanut inissinneqaraluartoq angajoqqaaminut attaveqartuaannarnissaa isumagissallugu, aammalu nuarsuarmioqatigiit innarluutilinnut aalajangiussaannut naapertuilluarluni, meeqqat innarluuteqaraluarlutik ilaqutariinni inuuneqarnissaminnik naligiimmik periarfissinneqartariaqarmata.

Angajoqqaat innarluutilimmik meeraqartut, aammalu meeqqap innarluuteqarnera pissutigalugu illoqarfisap avataanniittariaqarpat, soorunami meeqqatik isumassorusuttuaannarpaat, minnerunngitsumillu periarfissaasut naapertorlugit meerartik sapinngisaminnik annertunerpaamik ilagerusullugu. Angajoqqaat ilaasa qinertarpaat illoqarfimmut meeqqap inissisimaffigisaannut nuunniarlutik, suliffissatigut aammalu inissaqarnikkut periarfissat ajunngippata. Periarfissaq taanna tamanut ammannigilaq, taamaasimappalluunniit aalajangiineq imaannaanngitsuuvoq, ilami inernerisinnaammagu, angajoqqaajusut toqqissimaffimminniit nuuttariaqassammata, aammalu ilaqqat qanigisaasullu allat qimaannartariaqassallugit.

Innarluutilimmik angajoqqaajusut meerartik ornissimallugu illoqarfigisaannukarsimatillugit, illoqarfigisaminnut taamaallaat angalanissaminnut ataaseriarlutik akiliunneqarsinnaapput.

Tamanna ajuusaarnarsoraara, meerarmi qitiutillugu aalajangiissagutta, taava pitsaanerpaavoq, angajoqqaajusut meeqqap illoqarfittut inissimaffissaannukarpata, tamatumanilu ajunnginnerpaaq ujartuarsinnaavarput piviusumillu periarfissaqarani.

Tamatumani angajoqqaat innarluutilinnik meerallit atugassarititaasa pitsanngorsaavigineqarnissaat pisariaqartinneqarpoq. Oqallitsitsinikkut aamma paasisariaqarparput qanoq pitsanngorsaavigineqartariaqarnersut. Siunnersuummi matumani periarfissatut tikkuagara, isumaga naapertorlugu eqqarsaatigilluarneqarsinnaavoq. Siunnersuuteqartutut qilanaaraara partiit aamma Naalackersuisut sunik siunnersuutissaqarnersut tusassallugu, periarfissanimmi nutaanik takkuttoqarnissaa ilimanarsinnaammat, taamaalillungalu oqallilluarnissarput neriuutigalugu oqaaseqalaarpunga.